



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

§. 6. De Sacerdotis inclinatione.

[urn:nbn:de:hbz:466:1-47105](#)

§. 6.

De Sacerdotis inclinatione.

SCITÈ quondam pronunciauit D. Cyprianus.

SPlacendum diuinis oculis etiam habitu corporis: Serm. de
Orat.
Dom.
cuius rationem è natura, ipsaque hominis molitio-
ne deducit Angelicus Doctor. Cum enim illetotus z.z.q. 83.
ar. 12.
à Deo sit, necessum est ut totus etiam ei seruiat:
cum & corpus diuina manu, meliore argilla, lutove
compactum, & factum sit; & mens altior inspirata
diuino quodam afflatu, oportet, ut & corpus Deo,
tanquam figulo, & mens eidem, ut authorisub-
mittatur.

Signum autem huius submissionis est ipsa cor-
poris inclinatio, cum qua se se inclinat animus tum
obsui despicientiam, tum ob honorem, ac reueren-
tiā suprēmi Numinis. Et illa naturæ nostræ com-
pagem, figmentumque attingit ratio, hæc ad Deum
pertinet.

Inclinauit cœlos Patris eterni filius, imo & mai-
starem abiecit suam, descenditque formam humilis
serui accipiens. Sacerdos, qui eo loci, ac temporis
eum in terris refert, ideo se se inclinat, ut spectantium
oculis obijciat speciem aliquam, & imaginem Dei
sui, qui se se hominum amori, commodisque ita
demiſit, ut homo fieret. Et ista spectant ad suprēmi
Numinis in mortale genus indulgentiam: hæc ad
yberem

344 SPECVLVM ECCLESIASTICORVM,
vberem sacrificij prouentum : surgit ille à radice
humilitatis, cuius signum est ea corporis inclinatio,
cum qua animus profunda quadam sui cognitione
in seipse descendit , & nihilo sui, è quo prodijt, im-
mergit, vt emergat altior. Et hoc quidem ex primo
Christianæ legis præcepto , placitoque religionis,

Ep. 36. de quo scitè scripsit olim D. Augustinus ad Diosco-
rum. *Vt olim Demosthenes ter rogatus quid præci-
puum esset in oratoria facultate , ter respondit, actio-
nem ; ita si de præceptis Christianæ religionis rogare-
tur , semper responsurum, humilitatem.*

L. 2. Ep. 54. Quod si ea humilitas, animique demissio, Chri-
stiano cuique communis, Sacerdoti certè, maximè
debet esse singularis. *Vt enim D. Gregorius. Sola
humilitas est officij Sacerdotalis erectio.*

Quisquis aris assistit Sacerdos, est ille lux mun-
di, ab illo surgit , & clarescit, virtutum, bonorum-
que operum dies, dissipantur peccati tenebræ , nox
ignorantiæ mundo incumbens fugatur , vtque fu-
getur procul , & perennis sit usura lucis , necessum
est vt ille dies à vespere , hoc est ab humilitate fese
terris ostendat.

Nos pusilli mortales cum dies censemus, initium
ducimus à manè, contra Deus à vespere ordiendum
esse docuit. Factum enim non sine Numine , suau-
que prouidentia, vt dies ille, qui primus orbi illuxit,
Deoque opera distinxit, incepit à vespere : factum
est,

est, inquit Scriptura, vespere, & manè, dies unus. Gen. 1. 5.

Hinc incidit quæstio, cur author naturæ Deus,
& magnus ille vniuersi parens computum dierum
suorum à vespere exordiri velit?

Catharinus ut nodum illum dissoluat ex suo
ingenio magis, quam ex veritate, vult solem primò
productum in altero hemisphærio, opposito ei in
quo prodierat Adam: sicque prima lux illi illuxit,
cum Adamo esset alta nox. Verum ut hoc velit fi-
dem non faciet: si enim Adamo vtpotè vniuersi
Domino, adnata cætera, quidni & ipse sol, illo-
rum oculus? & cœli gemma?

Credunt alij initium dierum sumi à vespere;
quod vesper, & nox prior fuerit ipso manè, ipsa
luce: censem enim fluxisse noctis horas omnino
duodecim, quarum beneficio è nihilo vocatum
cœlum, terra, & immensa aquarum abyssus: tum
deinde successisse lucem, eamque duodecim etiam
horas integras tenuisse; sicque ex nocte, & luce, ex
vespere, & manè dies primus conflatus mortalibus
oculis apparuit.

Ex illa persuasione manauit ille mos apud Iu-
dæos, imò & Ecclesiam Romanam ut dies festi à
vespera, ad vesperam celebrentur, appositè ad pri-
mam illam dierum institutionem.

Nonnulli etsi fateantur ante lucem præcessisse
tenebras, spiritus enim Domini ferebatur super a-

X x quas,

346 SPECVLVM ECCLESIA STICORVM,
quas, & tenebræ erant super faciem abyssi : conten-
dunttamen illam caliginem abysso fusam , sextan-
tum horis terram occupasse : ac deinde amœnum
solis iubar , fontemque luminis conditum esse in
ipso meridie, & quasi grandi iam, adulataque die.

Sed h̄c non vertitur cardo meæ quæstionis, ne-
que ea sententiarum inter se pugna , & varijs argu-
mentis hinc & inde discussa veritas, lucein affert dif-
ficultati, quam ad mores efformandos euoluo : ad
illos mihi plus satis si concesseris illud, initium ope-
rum Domini datum in profunda nocte , densisque
tenebris; sicque primum omnino diem à vespere
cœpisse. Ex quo certe confici velim quatum Deum
inter , & homines intersit, quod inter huius , illius-
que consilia , ac molitiones sit interuallum.

Nos tricubitales homunculi, terræque sarcina,
si opera ducimus ; si pusillo in orbe meditamur
magna; lucem volumus, solem amamus, & nostra
luci , solique obijcimus : vt ab illo pareant mortali-
bus oculis, & malè niteant. Secus omnino Numen
altissimum, mundi rector , & arbiter , hic enim in
obscura nocte , inglorijs tenebris prima dicit rudimen-
ta mundi , & rerum maximarum initia moli-
tur ; vt vnius cœcæ noctis umbra , tenebrarumque
inuolucris opus omne suum obtegat , atque inuol-
uat ; doceatque etiam à nobis sic velari oportere ;
præclaro sanè studio demissionis , & animi huma-
na omnia infra se despicientis.

Et ista tibi à sole morum documenta : eadem etiam ab oculo parui mundi , id est tui corporis lucerna,& si voles altero sole : hoc enim suggerit Philosophorum lycēum,& medicorum affirmat schola ; pupillam oculi , quō nigrior fuerit , eò acutius obiecta reddere ; eoque melius , quō profundior.

Quisquis es Sacerdos , es Ecclesiæ , quod vniuerso sol , quod oculus corpori : ideoque quo à tui contemptu nigrior , quo ab humilitate fueris profundior , eò aptior regendo magno corpori , id est Ecclesiæ . Ad hanc porrò profunditatem te dicit ea corporis inclinatio , quam inter sacra usurpare soles ; si modò illa animi inclinationem ut debet , etiam exprimat .

C A P V T I X.

*De Cæremonijs Missæ ; ijs maximè , qua
verbis exprimuntur .*

Dixit olim , & scitè quidem Orator Romanus . ne histrio videat in scena , quod non videat sapiens in vita . Ille ut auditorum oculis , auribusque seruiat , eius mores , geniumque induere solet , cuius personam in scena sumpserit exhibendam . Si Regem ille clementito ad tempus habitu , assumpta purpura , sceptroque defert in theatrum , Regis ora , vultus , oculos , frontem ostentare nititur , & licet è vili